



COMUNE DE MONTELEONE

Provìntzia de Tàtari

Deliberatzione de sa Giunta Comunale

N° 7 de su 13.01.2021

OGETU: Aprovatzione de s'ischema de su Programma biennale de sos achistos de benes e servìtzios 2021-2022 e de s'Elencu annuale 2021 in cunforme a s'art. 21 de su D.lgs. n. 50/2016

S'annu duamìgia bintiunu, sa die tràighi de su mese de Ghennàrgiu, in Monteleone, in sa sala de sas Adunàntzias, a sas **16:45**, s'est reunida sa Giunta Comunale.

Fatu s'apellu resurtant:

MASALA ANTONELLO	SÌNDIGU	P
SOTGIA DANIELA	ASSESSORA	A
GONNELLA SILVIA	ASSESSORA	P
MANAI GIOVANNI BATTISTA	ASSESSORE	P

Presentes n. 3 totale ausentes n. 1

Partètzpat a sa setziada su SEGRETÀRIU COMUNALE Silvia Sonnu, cun funtziones consultivas, referentes, de assistèntzia e verbalizatzione.

SU SÌNDIGU ANTONELLO MASALA, in sa calidade sua de presidente, averiguadu su nùmeru legale de sos interbènnidos, de crarat aberta sa setziada e invitat sos cumbènnidos a deliberare subra de s'ogetu subra indicadu.

SA GIUNTA COMUNALE

IN ABERTURA de setziada si dat atu chi sa matessi benit acumprida a manera partziale in vèdeucunferèntzia, cun sa presèntzia in sede de su segretàriu comunale, Dot.ra Silvia Sonnu, e de su Sìndigu, e cullegados in modalidade vèdeucunferèntzia in cantu no ant sa possibilidade de interbènnere, sos señores Gonnella Silvia e Manai Giovanni Battista (Assessoros), comente istabilidu in cunforma a su decretu de su Sìndigu n. 4 de su 05.11.2020.

Premìtidu chi:

- s'art. 21 de su D.Lgs n. 50/2016 "*Programma de sas achisitzione de sas istatziones apaltantes*" previdit chi sas amministratziones agiudicatritzes adotent su programma biennale de sos achistos de benes e servìtzios de importu unitàriu istimadu paris o superiore a 40.000 €, e puru sos aggiornamentos anuales relativos, in su respetu de sos documentos programmatòrios e in coerèntzia cun su bilàntziu e sas normas chi pertocant sa programmatzione econòmicu-finanziària;
- chi pro sos benes e servìtzios informàticos e de connetividade, sas amministratziones devent tènnere contu de su "*Pianu triennale pro s'informàtica*" dispostu dae s'Agèntzia pro s'Itàlia digitale in base a sas dispositziones introdudadas dae s'art. 1, comma 513, de sa L. n. 208/2015;
- s'art. 1, comma 424, de sa Lege n. 232/2016 "*Bilàntziu de prevision de s'Istadu pro s'annu finanziàriu 2017 e bilàntziu pluriennale pro su triènniu 2017-2019*" at prevididu s'òbligu de aprovazione de su Programma Biennale de sos achistos de benes e servìtzios a decèrrere dae su bilàntziu de prevision pro s'esertzìtiu finanziàriu 2018, in dèroga a sa normativa vigente subra de sos allegados a su bilàntziu de sos entes locales, istabilida dae su D.Lgs. n. 267/2000 e dae su D.Lgs. n. 118/2011;

Bidu chi, in cunforma a su comma 8, de s'art. 21, de su D.Lgs. n. 50/2016 su Ministru de sas Infrastruturas e de sos trasportos, de cuntzertu cun su Ministru de s'economia e de sas finàntzias, at adotadu su decretu n. 14/2018 "*Regulamentu chi cuntenit protzeduras e ischemas-tipu pro sa redatzione e sa publicatzione de su programma triennale de sos traballos pùblicos, de su programma biennale pro s'achisitazione de fruniduras e servìtzios e de sos elencos anuales e aggiornamentos anuales relativos*";

Leadu atu chi su Gèom. Giovanni Maria Panai – Ufìtzium/Servìtzium Tècnicu Manutentivu benit numenadu Referente de sa programmatzione triennale de sos traballos, programmatzione biennale de sos achistos de fruniduras e servìtzios e de sos aggiornamentos anuales relativos, e chi su matessi declarat de non si agatare in cunflitu de interessos cun s'ogetu de s'incàrrigu chi l'est istadu atribuidu;

Postu chi s'art. 6 de su Decretu tzitadu previdit pro sas amministratziones sa consultatzione, si possibile, de sa pianificatzione de sas atividades de sos sugetos agregadores e de sas tzentrales de commitèntzia, pro sa predispositzione de su programma in argumentu e de sos elencos relativos e puru de su cuntinentu de s'ispeza pùblica;

Dadu atu chi in data 18/12/2020 sunt istados predispostos s'ischema de su programma biennale de sos achistos de fruniduras e servìtzios 2021-2022 e s'elencu annuale dae parte de su Referente responsàbile de su programma e in particolare sos atos sighentes:

- Ischema de su Cuadru de sas resursas netzessàrias a sa realizatzione prevididas dae su programma (Ischema A);
- Ischema de s'Elencu de sos achistos de su programma (Ischema B);
- Ischema de s'Elencu de sos interventos presentes in sa prima annualidade de su programma biennale pretzedente e non torrados a propònnere e no ativados (Ischema C);

Leadu atu chi s'articulu 6 de su DM subra tzitadu disponet, in su comma 12, sa trasmissione de s'elencu de sas achisitzione de fruniduras e servìtzios de importu istimadu superiore a 1 milione de èuros, chi sas amministratziones previdint de insertare in su programma biennale, a su Tàulu tènicu de sos sugetos agregadores segundu s'art. 9 comma 2, de su D.L. n. 66/2014, intro de su mese de santugaine;

Cunsideradu chi bisòngiat providire a s'aprovatzione de tales atos in ubidièntzia a sas dispositziones normative prima tzitadas e a cantu prescitu dae s'art. 21 de su D.Lgs. n. 50/2016.

Apretziados sos atos in argumentu meressidores de aprovatzione;

Bidos sos parres favorèvoles subra de sa proposta de deliberatzione de sa cale in ogetu esprimidos in cunforma a s'art. 49 de su D.Lgs. n. 267/2000 dae su Servìtzio/Ufitziu Tènicu/Manutentivu de regularidade amministrativa, e dae su Servìtzio/Ufitziu Finantziàriu, de regularidade contàbile;

Atzertada sa regularidade e sa curretesa amministrativa de totu su protzedimentu;

Bidos

- Su D.Lgs. n. 50/2016;
- Su D.M. de su Ministèriu de sas infrastruturas e de sos trasportos;
- Su D.Lgs. n. 267/2000;
- S'Istatutu comunale;

- Su Regulamentu comunale de cuntratos pùblicos;
- Su Regulamentu comunale de contabilidade;

Cun votu de acordu

DELÌBERAT

- 1) de adotare s'ischema Programma Biennale de sos achistos de benes e servìtzios 2021-2022. Ischema de su Cuadru de sas resursas netzessàrias a sa realizatzione prevididas dae su programma (Ischema A), Ischema de s'Elencu de sos achistos de su programma (Ischema B), ischema de s'Elencu de sos interventos presentes in sa prima annualidade de su programma biennale pretzedente e non torrados a propònnere e no ativados (Ischema C), chi si allegant a s'atu presente pro nde fàghere parte integrante e sustantziale;
- 2) de dispònnere sa trasmissione de s'elencu de sas achisitzones de fruniduras e servìtzios de importu istimadu superiore a 1 milione de èuros prevididas in su programma biennale a su Tàulu tècnicu de sos sugetos agregadores segundu s'art. 9, comma 2, de su D.L. n. 66/2014, chi devet avènnere intro de su mese de santugaine.
- 3) de dare mandatu a su responsàbile de su servìtziu finantziàriu, una borta congruidu su caminu de aprovatzione de su pianu presente, de predisponnere sos documentos de bilàntziu 2021/2023 in lìnia cun su documentu presente e de frunire sa cobertura finantziària idònea;
- 4) de dispònnere chi su documentu programmatòriu presente, comente disciplinadu in su paràgrafu 8.2 de su printzìpiu contàbile aplicadu chi pertocat sa programmatzione, bèngiat aprovalu a manera autònoma dae su DUP e una borta congruidu su caminu de aprovatzione bèngiat insertadu in su DUP in cursu de predisposizione;
- 5) de dispònnere in prus sa publicatzione de sa deliberatzione presente in s'Albu pretòriu on line pro 15 dies a fila, in su situ web istituzionale de su Comune in sa setzione "Amministrazione trasparente" e puru sa trasmissione de sa matessi a su Consighiu comunale pro s'aprovatzione sua in cunforma a sos art. 172 e 174 de su D.Lgs. n. 267/2000;

- 6) De dare atu chi, in su tempus in fatu, a pustis de s'aprovazione, su programma biennale e sos aggiornamentos relativos ant a èssere publicados in su profilu de su committente, in su situ informàticu de su Ministèriu de sas Infrastruturas e de sos trasportos e de s'Osservatòriu de sos cuntratos pùblicos relativos a traballos, servìtzios e fruniduras segundu s'art. 213, puru pro mèdiu de sos sistemas informatizados de sas regiones e de sas provìntzias autònomas segundu s'art. 29, comma 4, de su D.Lgs. n. 50/2016.

IN ÒRDINE A SA REGULARIDADE TÈCNICA si esprimìt parre Favorèvole

Su Responsàbile

F.du Antonello Masala

SU PRESIDENTE

F.du Antonello Masala

SU SEGRETÀRIU COMUNALE

F.du Silvia Sonnu

Tzertìfìco chi còpia cunforme de su verbale presente benit publicada dae su _____ pro 15 dies a fila in su situ istituzionale de custu Comune cun progressivu de publicatzione n. , atzessibile a su pùblicu (Art. 124 de su T.U.E.EL. e art. 32, comma 1, de sa lege 18 de làmpadas de su 2009, n. 69).

SU

F.du

Sa deliberatzione presente est divènnida esecutiva:

Pro declaratzione de esecutabilidade immediata (Art. 134, comma 4, de su T.U.E.L.).

Pro decursu de sas deghe dies dae sa publicatzione (Art. 134, comma 3, de su T.U.E.L.).

Monteleone,

Su Responsàbile de sa Publicatzione

F.du

Traduzione de s'operadora de s'isportellu linguìsticu de Monteleone

Maria Leonarda Correddu